

偏

關

志

下冊

671.4231

082

12

偏關志目錄

地理志

輿圖附

星野

建置

疆域

邊隘

烽墩

山川

津梁

井泉

古蹟

城池

保寨

邨莊

公署

廟祀

寺觀

祠墓

樓臺

風土

學校志

田賦志

兵馬志

職官志

名宦志

人物志

鄉賢

忠義

孝友

耆德

節烈

藝文志

志餘

偏關名實志

名臣

明

李謙

太原人官德問本關總兵展拓城垣增設墩堡公有力焉

杜忠

陝西會寧人以武弁起家始襲羽林前衛指揮使進階光祿大

夫上柱國後軍右都督正統間以本官鎮守偏關綜理周密號令嚴明
慮關城狹隘不足容衆乃力加展拓屹爲巨鎮平時繕甲兵修守備套
魯不敢南犯關民安堵邊功稱最

郝志義

陝西清澗人成化間備兵本關增修邊保有善政

王濬 直隸邢臺人弘治間備兵本關修學宮建書院展拓城垣平治道路立市集以便貿易蓄糧儲以濟緩急惠歧甚多

孫吳 世爲江南當塗人父傑以功授老營千戶遂家焉嘉靖二十五年吳以武略舉歷官利民參將四十四年擢老營副總兵老營地當衝要屢經大敵乃大修城守之具戎暇建立學校投戈講藝有儒將風

王遴 北直霸州人性鯁介慷慨有大節嘉靖間備兵本關蒞任以來釐奸剔蠹嘉善旌能弁吏帖然他如課農作士興水利便汲綆尤永世利賴焉

王學謨 山東朝邑人嘉靖間備兵本關持躬方正執法如山不稍假借

築河隄以紓水患完城保以固邊防關民賴之

范大儒 山東霑化人隆慶間備兵本關增高城壕修復邊牆愛民如子疾惡如讎以卓異擢參政

趙彥 陝西膚施人萬曆間備兵本關在邊十年躬歷諸路相度衝緩籌備了無遺策他如勾稽芻糧調劑本折甃城保練士卒修學校立社師起常平興養濟善政難以悉舉

李從心 直隸南樂人萬曆間備兵本關公在官持己廉接人恭用意密用法寬革弊用頓處事用漸士民頌德報滿以懋最晉秩右方岳未幾爲蜚語所中傷去之日送者空巷哭聲震野

陳昌祚 福建長樂人萬曆間備兵本關振興學校嘉惠士林撥本道邊租一百餘石又復自捐廉俸購置本關市房歲得租金五十餘兩爲諸生膏火婚喪之資

清

樓希旻 浙江義烏人順治六年備兵本關時值雲中之變兼以甲辰之災兵燹頻仍水旱洊至公約束士卒撫綏瘡夷兵不血刃民盡歸農鄉愚無知陷罪者必多方勸導之以俟其自化其有不能化者公且默禱蒼冥冀其速化焉

徐化成 直隸昌平人順治十年備兵本關蒞任二載善政難以更僕如

革牙戶修河隄恤寒士平冤獄尤人人最深者公精明渾厚寬而不縱明而非察良吏也

朱之瑤 江西 人順治十六年備兵本關下車伊始精神貫徹籌邊

防課將吏儲兵馬剔奸蠹種種實政次第設施惜蒞任未及十月而公遷西蜀去矣

康正吉 湖廣黃州人康熙十八年任太原府丞駐本關有惠政精堪輿重修文筆凌霄塔請留學和作育諸生

卞永康 正白旗人康熙三十八年任太原府丞駐本關有惠政

董象賢 聞喜人康熙四十六年任本關訓導日與諸生講宋儒理學多

所成就

何錫祿 三韓人康熙五十六年任太原府丞駐本關有惠政

偏關人物志

鄉賢

明

張璉 本關庠生質直不撓見義勇爲有古人風嘉靖間詔天下文廟

毀聖像易木主爲其近於浮屠也璉曰當日塑之誠不可今日毀之更不可聖賢何罪受此凌夷必欲毀請以身殉奏上復詔止毀至今文廟聖像巍然璉之力也生平席珍自愛未嘗以片紙入公門是尤足以風

世者

萬世德 字伯修本關世胄幼奇穎王弼州司寇爲觀察時極賞異之嘗以百戶署岢嵐捕務不屑遂棄去淬志讀書隆慶庚午辛未聯捷成進士時年二十五初授南陽令歷任元城寶坻三宰劇邑循良聲熾甚卓異行取兵部主事遷員外郎以知兵聞出爲陝西按察使僉事備兵西寧遇虜入寇公擐甲先驅五戰皆捷有忌公者蜚語中傷公竟罷公以謝虜先是虜酋憚公威名時時偵公罷鎮以圖得志公既罷乃大舉入寇廷臣交章起公知趙州遷山東按察使僉事備兵遼左時虜患孔棘詔以公監陝西幕府軍事公聞命單車就道決計出師一戰於莽刺川

再戰於水泉口皆大捷又以虜巢穴仰華寺因提兵出青海馳七晝夜禽其細作焚仰華寺叙功遷按察司副使備兵懷隆戊戌倭寇朝鮮公自懷隆擢天津海防巡撫右僉都御史經理朝鮮大舉討倭禽斬倭將平正成等箕封自此得有寧宇建生祠尸祝之朝廷嘉功特賜一品服色進右都御使兵部右侍郎總督薊遼以襲殺獐兔撥計二酋勞瘁成疾癸卯卒於官贈太子太保兵部尚書戊申里人請入鄉賢祠疏云公關塞人龍廟堂天柱文章卓絕首闢千古之荒經濟匡時遠係萬邦之望威鎮華夷勲業鍾鏞不朽才兼文武姓名草木皆知如公者始可謂功在當時名垂後世者矣公善草書工詞扎著有滄中牘經畧牘海上

稿塞下曲竿牘偶語等行世豫章屠赤水先生爲公作傳見藝文志

萬世輔 字孟澤萬曆選貢世德從昆弟歷官鞏昌府通判臨洮府同知

德隆望重爲當世羽儀

王顯忠 字元孝隆慶選貢官咸陽丞慈祥弟居鄉謙厚有循牆處谷

之風然一生勁骨挺然廉介不稍苟且解組歸來囊篋蕭然管懸一聯
云但寬一步常無失每積三分定有餘生平概可見矣以子來聘貴受
覃恩孫六人長曰芝歲貢次蘭三莒以明經授訓導四芋登進士官至
廣東按察使五藻六章官至瓊州府知府曾孫更濟濟多人僉謂公善
慶所積云

陳一言 字龍岡隆慶間任水泉營守備有將才善禦魯屢獲奇捷擢升
遊擊

劉玉 本所庠生狷介不苟貧而好學雖終日不舉火而絃誦自若有
相知者以金助之拒而不納竟飢餓以歿

夏宗堯 字熙宇萬曆拔貢歷官北直內黃縣知縣陝西宜川縣知縣所
至有聲工詩賦見者多傳誦之

孫維 總兵吳孫也祖官於老營遂家焉襲都督僉事初授山西鎮標
營守備進遊擊將軍擢大同北路左參將再遷萬全副總兵協鎮上谷
所至秋毫無犯道不拾遺有名將風互市隘口漢夷日相貿易蜂屯蝟

集維威名素著市衆帖息邊庭宴然時稱公爲西北長城長子弘謨中萬曆甲辰進士初任將軍會保守備積功至陝西孤山副總兵以忠勇著會北魯大舉入寇弘謨鏖戰歿於陣贈恤如制事其明史次子弘烈任平陽守備從子弘圖任神池遊擊弘通任保定守備從弟綸任江南旗鼓守備死流寇之難人以爲忠武世家云

楊 愛 字仁卿萬曆選貢任河南密縣知縣有政聲多陰德故家業日昌子孫科第蔚起

盧承業 字弘基萬曆甲午舉人初授陝西鳳翔縣知縣以邊才調玉田縣知縣治行風采爲一時最卓異行取兵部職方司主事乙巳魯薄都

門以原官出守通州累疏言戰守方畧廷臣咸器重之文章翰墨馳名海內本省西路通志並本關志畧悉創於其手

邢吾仁 字愛甫萬曆選貢任稷山縣學訓導立身如渾金璞玉年彌高而德彌劭今人中不可多得者

秦天祐 字吉亨萬曆選貢任延安府教授本身作則爲庠序表率有古君子之風鄉里咸器重之

張鳳鳴 字曉陽萬曆選貢任河州正學植躬方正教育有方多士目爲文章宗匠禮樂羽儀

萬化孚 字同我大司馬世德長子以世職授寧武道中軍歷任大同河

保神木本關參將升任陽和副總兵加都督僉事才兼文武頗有父風其翰墨揮灑優於文士

王維城 字鎮河萬曆天啓間由世職歷任南京小教場副總兵都督僉事以不入魏黨遭削奪崇禎登極提補薊鎮東協副總兵會東魯犯北平公恢復建昌遷安等處報大捷不次超擢特進榮祿大夫太子太保左軍都督鎮守保定三屯等處挂印總兵官榮歸畫錦居處名軍門巷薛敏忠 本省撫標千總崇禎間流寇竊發公提兵截殺報大捷擢撫標中營參將進老營副總兵遷薊州鎮三屯營挂印總兵官思於王事

王芝 字君室崇禎選貢咸陽丞顯祖長孫言行侃侃有先輩典型崇

禎間重修文廟振作學規乏力居多

王 莒 字君室咸陽丞顯忠第三孫敦品厲行謙卑自牧晚年舉鄉飲大賓

王 萃 字元鑰咸陽丞顯忠第四孫天啓辛酉舉人曆官至廣東按察使卒於官公一生清介入官三十年猶是青氎故業也子元士官陝西綏德州知州有政聲

孫光裕 字濟美天啓丁卯舉人官北直和南縣知縣風采凜然綽有先民矩矱

趙三詒 字重光天啓丁卯舉人官山東棲霞縣知縣溫良恭讓渾然太